

quos Sinas imitentur, ac sarcophagos adhibeant, nullo tamen modo simul cum demortuis vivos aliquos in rogum conjiciunt, quod facere Indi solent, hoc enim barbarum, atque hominum moribus indignum rentur Sinæ.

*Gentis  
indoles.*

Sunt hujus provinciæ populi viribus, atque animo cæteris Sinis superiores, minusque pugnae atque armorum metu terrentur, ad pugnam etiam elephantos docent ac adhibent: comes etiam sunt ac faciles, atque imprimis humani, ad Christiana sacra suscipienda multis aptiores: & quamvis propter immensam distantiam, temporumque ac bellorum turbas & injurias, nulli hætenus ex patribus nostris hanc provinciam ingressi sint, ut sæpius habuere in votis, ac non semel tentarunt; non paucos tamen ex ea oriundos salutaribus baptismatis aquis lustravimus, eos nimirum, qui vel præfeti, ubi nostri degebant, per reliquas gerebant officium, vel ad gradus litteratorum suscipiendos in regiam subinde adventabant; & sane si qui ex aliis Sinis susceptam fidem bonis probarunt, confirmantque moribus, ii fuere Junnani, qui magnam omnino nobis concitavere spem fore ut non exigui colligantur fructus, si quandoque illorum terras Euangelii sancta lex & lux, Catholicaque fides penetraret: albæ omnino sunt regiones ad messem, sed operarii nimium pauci, quos faxit Deus, ut mittat aliquando tandem copiosiores in messem suam, & ad latissimos hosce campos melius excolendos.

*Quando  
subjugati  
à Sinis?*

Qui primus hæce terras invasit, fuit Imperator Xius Cinæ familiæ auctor; sed paulo post iterum deficientes, à felicissimo ac fortissimo Hanæ familiæ capite, Hiaouvo debellatæ, ac subactæ sunt; quin & Tartari Juenaæ familiæ multis deductis coloniis non parum eas ornavunt: unde quam plurima in hac provincia sunt, quæ Marcus Paulus Venetus attingit, hætenus aut perperam, aut parum ab Europæis intellecta, tum quia ignotis de iis usus est nominibus, tum quod nullo certo servato ordine, sed quasi per saltus ac interrupta res suas describat, vix umquam additis certis signis, ex quibus colligi, de quibus loquatur, possit, multarum rerum Sinensium, linguæque ac characterum ignarus; qua in re aliquid me, tum de rebus Geographicis, (quarum studium, quantum à nostris perfici possit, luculentum satis specimen hoc opere me dedisse puto) tum de Serenissima Venetorum Republica meritum credo, quod nobilissimum illius Patri-

*Geographici  
studii specimen,  
ac M. Pauli  
Veneti  
vindicatus.*

tium, à falsitatis aliarumque impactarum illi calumniarum notis exemerim, quamvis hi accusatores reprehensione potius digni fuerint, atque etiamnum sint, quod ea, quæ non intelligunt, tam leviter damnent; sed hisce relictis, ad urbes reliquas veniamus.

#### Prima Urbs five Metropolis

#### J U N N A N.

**E**st huic metropoli nomen idem, quod *Nomen  
& anti-  
quitas.* toti Provinciæ, quod Austrum nubium sonat: prima hujus regionis mentio reperitur sub Cû regibus, qui partem Borealiorem obtinuerant, vocabaturque Tien regnum, nomine ab ingenti lacu, quem includebat, desumpto. Prima urbis hujus memoria reperitur sub Hana familia, ac tum quidem civitas tantum erat, Yecheu dicta; sed mox illius nomen in Junnan mutatum, cum mirabiles quasdam nubes, mira colorum varietate illustres, cum per hæce terras vagaretur, observasset in iis Hiaovus Imperator: Cynus Nincheu dixit, Tanga familia Nauning, mox, quia conservare vix potuit ob nimiam distantiam, in sex dynastias totum territorium divisit, totidem ibi statutis, qui annum tributum penderent, Dynastis; at Juena familia omnibus devictis, Chungking urbem nominavit, Taiminga antiquum Junnan nomen restituit. Regit autem civitates omnino tredecim: 1 Junnan, 2 Fumin, 3 Yleang, 4 Caoming, 5 Cynning, 6 Queiho, 7 Chingcung, 8 Ganning, 9 Loçu, 10 Lofung, 11 Quenyang, 12 Sanp'ao, 13 Ymuen.

Est hujus urbis territorium peramœnum ac fertile, præclaris montibus, ac præstantibus aquis celebre, hinc inde in colliculos asurgens, mox in longam, latamque diffusa planiciem regio: cœli temperie, fontibus, ingeniorumque excellentia, corporum robore, rerum omnium ubertate varietateque commendanda. Urbs ipsa est, quæ cum maximis, ac nobilissimis hujus extremæ Asiæ haud immerito certet; mercimoniis, opibusque florens, splendore ædificiorum, fanorum mole ac pulchritudine superba; imensum complectens vicorum spatium, situm etiam jucundum ad Borealem ripam magni Tien lacus, qui urbis mœnia, qua ad occidentem vergunt, lambit; inde deducti in urbem canales navibus iter præbent: intra mœnia etiam mons est idolorum fanis, publicis ac privatis ædificiis, hortis ac sylvis visendus.

In